

АБДУҚАҲҲОР АБДУЖАЛИЛОВИЧ НАБИЕВ (1956–2023)

2023 йил 20 ноябрь куни бешафқат ўлим Тиббиёт ходимларининг касбий малакасини ривожлантириш маркази «Шошилинч тиббий ёрдам» кафедрасининг доценти, меҳрибон устоз, фидокор, оилапарвар инсон Абдуқаҳҳор Абдужалилович Набиевни 67 ёшида бевақт орамиздан олиб кетди.

А.А. Набиев 1956 йилда Тошкент шаҳрида таваллуд топган. 1979 йили Тошкент давлат тиббиёт институтининг даволаш факультетини тамомлаган. 1980 йилдан 1984 йилгача темирўл поликлиникасида терапевт бўлиб фаолият юритган. 1984 йилдан Тошкент врачлар малакасини ошириш институти «Кардиология ва функционал диагностика» кафедраси аспиранти, 1988 йили «Состояние гемодинамики и фосфолипидного обмена у больных с АПС и пути их коррекции» номзодлик ишини ёқлаган. 1989 йилдан «Анестезиология, реаниматология ва тез ёрдам» кафедрасида ассистент, 1993 йилдан 1996 йилгача 2-марказий шифохона бош врач и ўринбосари, 1996 йилдан 2001 йилгача Тошкент врачлар малакасини ошириш институти марказий лабораториясида катта илмий ходим, 2001–2004 йилларда «Анестезиология, реаниматология ва тез ёрдам» кафедрасида ассистент



лавозимида иш юритган. 2004 йилдан Тошкент врачлар малакасини ошириш институти «Шошилинч тиббий ёрдам» кафедраси ассистенти, 2007 йилдан шу кафедрада доцент лавозимида фаолият юритган. 2021 йилдан Тиббиёт ходимларининг касбий малакасини ривожлантириш маркази «Шошилинч тиббий ёрдам» кафедраси доценти.

А.А. Набиев 48 дан ортиқ илмий мақолалар, методик қўлланмалар муаллифидир.

Доцент А.А. Набиев Ўзбекистон Республикаси шошилинч тиббий ёрдам хизматининг етакчи терапевт-мутахассиси сифатида мамлакатимиз ҳудудларида доимий равишда ташкил қилинган сайёр ўқув курслари ва маҳорат дарсларини юқори савияда самарали ўтказилишига эришди.

А.А. Набиев фаол меҳнати, жонкуярлиги ва талабчанлиги, меҳрибон ва ширинсўзлиги билан ҳамкасблари орасида чуқур ҳурмат-эътибор қозонган, у ҳар ишда ташаббускор, тўғрисиқ, маънавий етук инсон эди.

Набиев Абдуқаҳҳор Абдужалиловичнинг ёрқин ва порлоқ хотираси унинг ҳамкасблари, шогирдлари ва дўстлари қалбида мангу сақланиб қолажақдир.

**Тиббиёт ходимларининг касбий
малакасини ривожлантириш
маркази
Республика шошилинч тиббий
ёрдам илмий маркази
Ўзбекистон шошилинч тиббий
ёрдам врачлари ассоциацияси**

ТОҲИР ЯҲЁЕВИЧ МУСОЕВ (1979–2024)

Мамлакатимизнинг Шошинч тиббий ёрдам хизмати оғир жудоликка учради. Республика шошинч тиббий ёрдам илмий маркази Бухоро филиали директори, фидойи шифокор, ташкилотчи раҳбар Тоҳир Мусоев 44 ёшида вафот этди.

Т. Мусоев 1979 йил 29 октябрда туғилган. Бухоро давлат тиббиёт институтида бакалавр ва клиник ординатурани тамомлаган. Россия Халқлар дўстлиги университетида “Юрак-томир хирургияси” мутахассислиги бўйича аспирантурада таҳсил олган.

Меҳнат фаолиятини Бухоро давлат тиббиёт институтида кафедра ассистенти ва Республика шошинч тиббий ёрдам илмий маркази Бухоро филиали II-хирургия бўлими врач-ординатори сифатида бошлаган.

Турли йилларда Бухоро давлат тиббиёт институти катта ўқитувчиси,



Республика шошинч тиббий ёрдам илмий маркази Бухоро филиали директори ўринбосари, мазкур тиббиёт мутасассаси бош шифокори каби лавозимларда ишлаган.

Т. Мусоев 2020 йилдан Республика шошинч тиббий ёрдам илмий маркази Бухоро филиали директори сифатида

самарали фаолият кўрсатиб келаётган эди.

У вилоятда соғлиқни сақлаш соҳасини ривожлантириш, мураккаб жарроҳлик амалиётларини жорий этиш, қолаверса, тиббиёт фанининг долзарб масалаларини тадқиқ этиш, юқори малакали илмий-педагог кадрлар тайёрлаш ишига ҳам муносиб ҳисса қўшди.

Республика шошинч тиббий ёрдам илмий маркази жамоаси, Ўзбекистон шошинч тиббий ёрдам врачлари ассоциацияси меҳнат фаолиятини тиббиёт соҳасига бахш этган фидойи ва ташкилотчи раҳбар Тоҳир Яҳёевич Мусоевнинг вафоти муносабати билан марҳумнинг оила аъзолари ва яқинларига чуқур таъзия изҳор этади.